

172. Tus Tswv Yesxus Nws Raug

1. Tus Tswv Yesxus Nws raug kev txom nyem
Nws tau tuag saum ntoo ntsia tes
Luag ntxub luag thiam thiab tsim txom Tswv Yesxus
Ua li cas lawv siab phem ua luaj
Yesxus tsis txhaum txawm yog tuag los Nws tsis ntshai
Cia cov neeg txhaum ua kom txaus siab
Mob npaum twg los Nws yeej tiv
Nws tuag twb yog theej peb lub txhoj
Peb yuav tsum nco Yesxus tshav ntuj
2. Luag ntaus thiab nplawm tsis muaj leej twg hlub
Raug txom nyem tsis muaj neeg quav ntsej
Luag muab ntsia hlau los ntsia Nws tes Nws taw
Thiab muab hmuov los nkaug Nws phab tav
Yesxus tsis foom Nws tsis cem Nws yeej tsis nti
Nws zoo siab tuag pab peb kom dim
Thaum Yesxus zaj nrov ncha mus
Thoob plaws hauv qab ntuj no tas nrho
Neeg thiaj paub los ntseeg tus cawm seej
3. Thaum Tswv Yesxus Nws txoj sia tu nrho
Twb yog Nws theej neeg lub txhoj
Sawv daws ntshai kawg vim thaj av ua zog koog
Tsaus ntuj nti thoob plaws lub ntiaj teb
Sawv daws thiaj paub tias Yesxus yog Vajtswv tiag
Tus twg tso plhuav nws kev txhaum tseg
Tus ntawd thiaj tau txoj sia ntev
Txij no mus nws yuav ua neeg tshiab
Nrog Vajtswv nyob mus li ib txhis